

籌辦夷務始末

籌辦夷務始末之三十

道光二十一年辛丑六月辛卯

諭內閣伊里布著交原審之王大臣會同刑部定擬罪名具奏

癸巳靖逆將軍奕山參贊大臣齊慎兩廣總督祁項奏竊

等等於五月十二日接奉

批迴四月十五日奏摺並承准軍機大臣字寄四月二十九日奉

上諭奕山等奏喫夷船隻攻擊省城督兵保護無虞請權宜辦理

一摺覽奏均悉喫夷自我兵兩次擊退之後計窮勢蹙併力進

攻該夷性等犬羊不值與之計較況既經懲創已示兵威現經

城內居民紛紛遞稟又據奏稱該夷免冠作禮額求轉奏乞恩

朕諒汝等不得已之苦衷准令通商該將軍等惟當嚴諭該夷  
目立即將各兵船退出外洋繳還礮臺仍須懍遵前定條例祇  
准照常貿易不准夾帶違禁煙土儻敢故違斷不寬恕並著將  
軍等會同該督撫悉心籌議安定章程夷性叵測仍當嚴密防  
範不得稍有疏懈俟夷船退後迅將各礮臺及防守要隘等處  
趕緊修築堅固如喫夷靈有桀驁情形仍當督兵勦滅不得因  
已施恩遂請事任其需索等因欽此等語跪讀之下感激流涕

仰見我

皇上仁育義正戢兵安民

覆憐之恩覃敷中外等語當即刊刻告示宣布

德威剴切曉諭粵省民商奔走相賀從前歇業者紛紛歸籍數日  
間貨物駢集皆復其舊向來恭順夷商貨船聞風入港告  
請驗船無不鼓舞又飭委廣州府知府余保純差派洋商  
傳諭曉諭令其懍遵前定章程安分貿易

大皇帝體恤爾等曲

賜於金須感

大皇帝恩施格外毋滋事端前往明白開導夷目等額慶歡悅免  
冠感伏聲言永不敢在廣東滋事等語惟大兵未退該國  
貨船尚泊澳門近洋未敢遽入前所修裙帶路寮房石路  
未始不作銷貨之想而內商斷不肯前各夷又不從此入

該夷即不馴服而伎倆亦無所施况嗜利本其天性既蒙

皇上予以自新現聞該夷等國貨船在澳門粵字較從前極為安靜其

不敢在粵東再肆桀驁亦可概見况該夷新來兵貨各船水土不服瘟疫大作據提督吳建勳報稱自夷目嘶噉吐在省河受傷逃出病故之後各船受傷及被嚇病亡相繼不絕而寮內居住者傳染時疾亦有數百自四月下旬起五月中旬止黑白夷埋山谷及焚化者八九十名內有夷目十名等語是該夷雖幸逃顯戮亦終受冥誅人心為之一快省河要隘已於十八日動工度量地勢欄塞而本年

粵中雨水過多。西水大漲。急切不能得手。內河礮臺除改  
作外粵中尚須添補礮牆數處。已購辦灰石。俟天氣稍霽。即築  
基趕辦。大黃窖礮臺孤懸水中。四面受敵。必須添造石壩。  
接通後路。方可據守。其礮位新鑄八千斤鐵礮四十尊。江  
西委員鑄造三千斤銅礮三十尊。餘銅添入委員捐造又  
十三尊。此外尚有在籍刑部郎中潘仕成捐鑄五千斤三  
千斤二千斤礮四十尊。尚未鑄成。通計一百二十餘尊。僅  
足省河各臺原設數目。而虎門各臺尚須趕緊另造。惟鑄  
礮須先立礮胎。礮胎用土作成。非二十餘日不能乾透。廣  
東陰雨潮溼。非倉猝所能趕辦。只有詳定章程。力求實效。

由內而外。遂漸保固。蓋夷情多詐多疑。駕馭在權。防禦宜慎。等語。斷不敢因。

恩准通商。稍涉大意。惟有外示寬大。上崇

國體。而內務嚴密。潛消反側。以仰副我

皇上柔遠安邊之至意。

奕山齋慎祁墳。又奏竊查廣東省城北面依粵秀山為城。舊有觀音殿。俗呼為觀音山。士民瞻仰久彰靈感。本年四月初三至初六等日。暎夷攻城之際。據捉獲漢奸聲稱賊攻靖海門。撲近城牆。正欲開礮。煙霧中望見白衣神像立於城上。遂不敢轟擊。火藥局在觀音山下。貯藥三萬斤。漢

奸潛拋火彈火發沖起。僮藥力發動。全城灰燼。當兵弁搶救之時。居民望見。衣白女裝。在屋上展袖拂火。登時撲滅。且夷匪火箭如雨射入內城。無一延燒。所有火箭非入水塘。即落空闊之處。夷匪方欲謀運大礮向城安放。而迅雷暴雨瀉若傾盆。衝沒漢奸及黑白夷百餘名。夷人無不畏懼。現在海氛既熄。省垣安堵。雖文武之同心。亦

神明之默助。此皆仰賴

聖主洪福

德威遠播。上邀

天佑。百神效靈。等及軍民。無不共深感戴。恭請



御書扁額供奉山巔以彰

神貺庶外夷永生畏懼之心邊疆長享奠安之福

奕山齊慎祁墳又奏再現在粵省夷務大定各省官兵依  
山下營靈雨溼蒸半染瘡痢霍亂等疾紛紛呈報間多亡  
故等公同商議酌留廣西貴州及四川官兵彈壓土匪  
暫壯聲威此外各營擬分起撤歸原伍一面奏

聞一面即飭沿途各州縣預為辦理先湖南次湖北次雲南次四  
川次貴州次江西分期開行庶道路不至壅滯而糧餉可  
以節省

奕山又奏前准參贊大臣楊著兩次文稱以舊傷發作現

在患病等因當經於五月十二日未刻附片奏

聞在案拜摺後是日申刻奉到四月十五日奏摺

批迴欽奉

諭旨俯准通商貿易並著等會同督撫悉心籌議妥定章程等

因欽此仰見

聖心浩蕩

曲示包容俾等得以從容布置跪聆之下感悚難名旬月以來  
等會等一切乃參贊大臣楊著現在告病又欲自仕留  
防等辦善後固屬出於誠惻惟年逾七旬精神究多恍惚  
且兩耳重聽每於密籌軍務均係用筆寫說往往辭不達

意彼此參酌殊多未便現當會籌善後之際事事必須與督臣等從長計議和衷商榷議定章程奏明請

旨庶可次第遵辦自不得稍存偏見於中致滋貽誤因思刻下軍務既定所有湖南等省官兵現已奏明陸續凱撤參贊大臣楊芳係湖南提督既經患病可否明降

諭旨敕令該參贊回任調理之處恭候

欽定查參贊大臣齊慎久歷戎行遇事勇往人亦正派誠實可靠將來暫留廣東協同督臣撫臣等籌備一切必能和衷共濟於事可期有禱

諭內閣奕山等奏廣東省城

神廟顯應請頒給扁額一摺據奏此次倭夷肆擾撲近城牆正欲開礮粵秀山

觀音大士神像顯靈居民共見撲滅火箭雷雨傾盆衝沒漢奸夷匪多名夷人無不畏懼海氛既熄省垣安堵護國庇民仰邀神賜朕實深寅感著發去親書扁額交奕山等祇領虔詣廟中敬謹懸掛以答

神庥尋頒

御書扁額曰慈佑清海

又

諭奕山等春官兵凱撤請分別開行等語著照所請先湖南次湖

非次雲南次四川次貴州次江西按省啟行即飭沿途各地方  
官妥為辦理並飭帶兵員弁嚴為約束毋許滋擾

又

諭參贊大臣楊芳久歷戎行懋著勞績昨因在廣東軍營患病當  
經諭令安心調理現在該參贊病尚未愈若仍留廣東辦理軍  
務伊力疾從公轉恐不能靜養楊芳著即回湖南提督之任其  
所帶湖南兵弁著一併帶回歸伍該參贊務當仰體朕心加意  
攝養報國宣猷為日正長也

諭軍機大臣等本日據奕山等奏請撤兵分期啟行已明降諭旨  
照議辦理并諭令沿海各督撫酌量情形奏請撤兵矣又據奕

山等奏。晚諭。嘆。起。慄。遵。前。定。章程。一體。通。商。并。籌。備。堵。禦。一。摺。  
覽。奏。均。悉。該。夷。所。修。裙。帶。路。寮。房。石。路。內。商。既。不。肯。前。各。夷。又。  
不。從。此。入。口。是。該。夷。銷。貨。不。便。未。必。日。久。占。據。裙。帶。路。與。香。港。  
毗。連。著。奕。山。等。仍。遵。前。旨。遇。有。可。乘。之。機。設。法。收。復。前。據。楊。芳。  
春。請。將。水。師。改。為。陸。路。自。係。因。近。來。訓。練。不。精。不。能。得。力。之。故。  
此。時。固。未。便。全。改。章程。其。應。如。何。變。通。酌。劑。之。處。該。將。軍。等。妥。  
議。具。奏。至。省。河。及。大。黃。窖。礮。臺。據。奏。必。須。修。造。據。守。著。即。趕。緊。  
興。工。所。有。礮。位。一。百。二。十。餘。尊。即。妥。為。分。別。安。放。務。須。布。置。得。  
宜。施。放。有。準。方。稱。有。備。無。患。所。有。一。切。善。後。章程。著。即。責。成。奕。  
山。齊。慎。祁。墳。怡。良。和。衷。商。榷。妥。議。辦。理。儻。有。辦。理。不。善。之。處。惟。

奕山等四人是問懷之

又

諭前因喫咭喇夷船在沿海各省口岸遊奕滋擾屢經降旨著該將軍督撫等調集官兵防堵勦辦現在廣東夷船經奕山等疊次焚擊業已退出虎門粵省所調各路官兵現已陸續撤回歸伍所有各省調防官兵著該將軍督撫等體察情形如可酌量裁撤迅速奏聞請旨

奕山齊慎祁墳又奏竊等於本年四月十八日奉到

批迴承准軍機大臣字寄道光二十一年四月初七日奉

上諭據御史駱秉章奏逆夷在粵造車載礮揚言復至天津等語

著該將軍等確切偵探據實具奏又另片奏湖南官兵到粵聞有騷擾情事亦著該將軍等申明紀律嚴加約束以期兵民相安等因欽此伏查喫夷向來祖居香山縣屬之澳門本年二月間又在新安縣屬之裙帶路拋泊如果該逆有造作礮車之事亦必在此二處即夷情詭秘而密加查訪自必可得端倪况粵等甫經到粵之初即聞該夷有赴哇喇借用陸兵馬礮並欲赴浙江滋擾當已飛咨

欽差大臣裕謙嚴密防範並未聞有欲赴天津之說茲奉

旨飭查當即密飭香山新寧知縣澳門同知及署虎門水師提督等確切查訪去後茲據各該員稟稱遵查該逆夷所用大



小礮架均配車輪。輪用鐵葉包裹。期於運用便捷。如遇陸路打仗。數百斤及千餘斤之礮。均能挽移。接戰惟數千斤不能牽曳。至夷人礮架車輪。有時損壞。重加修整。或者因此訛傳。亦未可定。若有另行造礮車之事。斷難掩人耳目。現在密訪。並無其事。仍不時留心訪查。如有見聞。即行飛報。等語。惟夷船退出虎門之後。李等在省。風聞該夷有欲赴浙江定海報復。剝皮掘屍之恨。謠言連日。細加察訪。半屬漢奸煽惑。而夷性犬羊。亦難必其不妄生事端。應請旨敕下直隸山東浙江福建各督撫。嚴飭沿海各營汛。不時偵探。以防夷船北馳。至所奏湖南官兵到粵滋擾一節。李等查

有乾州協千總黃再忠奉調來粵行至江西吳城舟次因  
勒折夫價眾兵不服經帶兵副將馬貴等棍責抽箭摘去  
翎頂稟明原省督臣提督押解回營辦理在案又札飭番  
屬南海兩縣就近密訪有無另有不法情事據實具報茲  
據南海縣稟三月間有參贊大臣楊芳發下餘丁黃宏元  
與民人口角飭令遞籍管束旋即病故又有辰沅道標翼  
守備移送革兵包順忠因醉不守營規革除名糧遞解原  
籍嗣據伊父包萬春保領又據南海縣稟稱乾州協千總  
移送革兵舒守訓與兵丁孫忠恩口角爭毆解審前來舒  
守訓交役看守後患病保釋回營就醫各在案此外再三

撥查並無另有湖南兵與民人滋鬧騷擾情事等語該管  
總兵官琦忠副將馬貴稟亦相同是湖南兵並無另有不  
法情事似堪憑信等仍嚴飭各帶兵官隨處稽查申明  
紀律稍有不妥本分者即按法懲治以肅戎行仰副

皇上兵以衛民之至意

硃批覽奏俱悉

欽差大臣兩江總督裕謙奏竊於五月二十日在石門舟次將  
浙省洋面夷船游奕情形附片具奏後旋據稟報十五日  
象山縣空倉洋面有夷船二隻自南駛北二十一日又自  
北駛至潭頭外洋遊奕不知其甯海縣大佛頭等處之夷

船二隻仍復隱見不定。綜計浙洋共有四船。當以該夷船是否兵船。抑係貨船。必當嚴為之防。使之無隙可乘。無利可圖。則我圍固而彼氣沮。或勦或驅。權操自我。方為萬全之策。即經一面飛飭嚴防。一面趕緊行起。二十五日至鎮海軍營。又據稟報潭頭外洋之船。於二十三日放杉板小船。駛至離石浦十餘里之老東門洋面。經該處防兵及地方居民協力追擊。當即逃竄。二十四日該二船望南駛去。二十五日又在甯海縣之滿山洋面游奕。其大佛頭之二船亦於二十四日望東駛去一隻。不知所之。現在大佛頭等處洋面尚有夷船三隻。隱見靡定。亦不敢駛近口岸。

遣人查探船上人數無多船隻亦小均係貨船詢之進口  
商漁亦復相同此外別無遊奕之船撫臣劉韻珂提臣余  
步雲已嚴飭沿海營縣調防鎮將並派撥兵船水勇互相  
巡防杜絕接濟預備轟擊聲勢極為聯絡李又查勘金雞  
山新添礮臺并各處堆貯沙袋均甚扼要礮局所鑄銅礮  
業已鑄成一千斤至四千斤者八十位鐵礮亦已鑄有六  
位李將已經打磨安設在鎮海都會同撫臣提臣逐一演  
試均能致遠惟時交伏暑爐火甚熾誠恐工匠不能任勞  
應否暫行停鑄尚須體察情形酌量辦理定海地方甫經  
劉韻珂親詣查勘工程鞏固守禦嚴密鎮將既能和衷共

濟兵民亦知協力保衛其餘各海口均能恪遵紀律安靜  
巡防等查上年定海之所以驚惶由於將與兵不相習官  
與民不相洽兵與民又積不相能文員與武職更素不相  
和癥成痞隔幾將不可收拾迨劉韻珂與李先後到浙首  
以衛民練兵為要務使之相習相洽再破除其爾我之見  
強者抑之弱者扶之雖不敢深信為眾志成城而較之前  
此之互相為難刻刻虞其變潰情形實已迥別劉韻珂愛  
民如子馭兵有術余步霄虛心實力事無不商甯紹台道  
鹿澤長膽識俱優亦肯遇事考求洵稱文武和衷兵民輯  
睦以此禦敵何敵不克就現在浙東情形而論戰守皆屬

可恃。茅已與劉韻珂。余步霄將防。勒機宜。詳加商定。即起程。前赴浙西。之乍浦海口。相度形勢。妥為布置。仍回駐嘉興。居中策應。兼顧江蘇海防。並料理兩江總督及兩淮鹽務事件。但茅雖擬暫駐嘉興。而浙江之鎮海定海及江蘇之吳淞崇明等處。一有夷船侵犯。即須相度情形。緩急親往督辦。誠恐顧此則彼處之鎮將。心存懈怠。茅業已分咨劉韻珂程喬采。并通飭調防各鎮將。悉遵劉韻珂程喬采約束。調度。如敢抗違。無論主兵客兵。即按軍法從事。庶劉韻珂程喬采呼應較靈。而茅得免首尾不能兼顧之慮。至浙江洋面土盜。自被定海縣拏獲二起之後。均已遠竄。商

漁樂業魚汎尤為旺盛。民氣恬熙。江蘇洋面亦屬安靖。堪以仰慰。

宸廑

諭軍機大臣等。據裕謙奏。馳抵鎮海。查明失船洋面防堵情形。一摺。覽奏均悉。現在廣東夷船經奕山等疊次焚擊。業已退出虎門。所調各路官兵。業已陸續撤回歸伍。所有寶山鎮海等處調防各官兵。著該大臣體察情形。有可酌量裁撤之處。迅速奏聞。請旨。

裕謙又奏。再。奉准軍機大臣字寄。道光二十一年四月初五日奉。



上諭提鎮各員該督相處已久其於戰守能否相宜或須酌調方可得力之處著該督隨時察看據實具奏無稍遷就等因欽此  
才伏查浙江提督本係兼轄水陸之員現在情形水師重  
於陸路似應另請

簡放水師出身人員方可得加惟屈計水師出身之提督僅止江  
南陳化成福建竇振彪廣東吳建勳三員廣東既萬無更  
調之理即福建毗連粵省首當其衝江南洋面平行無險  
可守其情形較之浙江有過之無不及一時亦難驟易生  
手余步雲於洋務雖未能諳習而一年以來亦已漸知大  
概且究竟久歷戎行薄有聲望亦足以振懾匪徒其措施

自比陳化成等事半功倍至定海鎮總兵葛雲飛水師習  
氣雖深而駕馭用之尚非不堪造就若輕信其言任所欲  
為必致受其愚弄水師人材難得就予所知所聞水師鎮  
將而論即使酌請對調未必即能彼善於此其處州鎮總  
兵鄭國鴻粗知文義於上年初到軍營時自居為深通翰  
畧老成練達之將蔑視一切究之不過師心自用大言不  
慙致與文武各官皆不能和衷共濟卒到浙後察知其故  
三令五申嚴行告誡該鎮始有顧忌不敢自肆撫臣劉韻  
珂駐紮鎮海亦經兩月待之以誠持之以正調度得宜該  
鎮等尚能自愛用命總之武員大抵不學無術全在駕馭

者之嚴毅方正制其短而用其長使之就我範圍即可收指臂之助若稍事優容必將志得意滿非縱兵生事即自作聰明事事與人為難不獨不能得加轉須防其僨事此比皆然現在該鎮等既知斂戢自應暫緩更調

殊拙依議

甲午

諭軍機大臣等寄諭欽差大臣兩江總督裕謙閩浙總督顏伯彞福建巡撫劉鴻翱浙江巡撫劉韻珂現在粵東夷船業經退出虎門情形恭順已降旨准令該夷循照舊章在該省通商併令其出具永不售賣鴉片煙土甘結該夷等自不敢再在粵東夾

帶銷售惟閩浙兩省口岸甚多該夷惟利是圖難保不勾結沿海奸民潛行偷售即如閩省夷船私銷貨物向俱視為泛常趁此清楚之時尤宜力加堵截以除積弊若該大臣等督飭所屬文武員弁隨時偵探加意巡查遇有夷船在洋遊奕即密為防範不准其將近口岸稍有偷售并嚴查內地奸民私駕小船出洋勾串販運別滋事端如仍有此等奸民與之交接販賣一經拏獲即照新定章程盡法懲治不准稍有疏縱以除積弊而靖海疆

又

諭英夷自懲創之後兵船退出虎門乞恩貿易准令通商昨據該

將軍等奏稱向來恭順夷商貨船聞風入港告請驗貨。夷額慶歡忭。免冠感伏。聲言永不敢在廣東滋事等語。該夷人數眾多。貪利無厭。目前雖極恭順。難保日後不另生枝節。現當該將軍等辦理善後。必應計及久遠。一勞永逸。毋徒將就了事。後患潛萌。著奕山等即飭諭該夷仍須出具切實甘結。不得夾帶鴉片。勾串內地民人。其通商口岸。及夷船應停泊何處。均照舊章辦理。不得妄生他念。另求馬頭。至貿易納稅。向有定限。已歷年所。亦毋庸輕議裁減。各沿海省分俱有將弁防守。曉諭該夷。且嚴飭各夷。毋許駕船分赴各處。勾串銷貨。儻不遵約束。被兵弁攻擊。或將該夷擒獲治罪。該夷目不得妄生觖望。其餘善後章

程著仍遵前旨周密妥辦以副委任

乙未閩浙總督顏伯燾奏竊臣以廣東夷務為萬里海洋安危所繫而閩粵互為唇齒尤須呼吸相通是以多用謀探節據探報四月初一日逆夷火輪船一隻拋泊十三行河面官兵開礮擊沈三板夷船夷人亦有損傷初二日該夷駕火輪船一隻駛至省西泥城一路開礮兵勇望風而逃燒我船隻六十餘號初三四五等日逆夷駕船十餘隻開礮攻打上岸防兵四散遁走被燒民房甚多並占去四方礮臺初六日礮子打入老城直指貢院經廣州府知府余保純向逆夷面議息兵該逆始索洋銀數千萬圓繼定

六百萬圓又須將軍參贊撤退方肯退如其銀已由藩運  
海關三庫湊給俱各交訖並聞四月十五日己作為追交  
商欠議撫情形專摺馳奏探聞之下心膽俱裂正在疑信  
間適接藩司曾望顏來稟抄送廣東臬司王庭蘭寄該司  
信函尚有為偵探所未盡者夫逆夷非不可撫然必痛勦  
之後窮蹙乞命殲其渠魁釋其餘黨始能俯首帖耳久安  
無事今賊勢方張資之以庫藏則何不以之養我士卒修  
我戰備如謂商民紛紛號求息兵不得不曲徇所請以固  
人心則何不於誓師之始集我紳士耆老痛哭而申效死  
之義與之圖守且廣東民情非不可用四月初十日有蕭

岡三元里等鄉數萬人圍困夷衆。功在頃刻。而余保純得義律私書。出城彈壓。鄉人始漸解去。在該府未始不藉口於議撫之後。不應妄生枝節。是直以六百萬之資。可以求安也。具此肺腑。何以為臣子有該鄉民等誓詞二紙。各處傳鈔。言雖鄙陋。亦足以見大義之在人心。況撫之權在我。而受撫之情在彼。逆夷初無受撫之情。何以言撫。且由廣東鈔來逆夷偽文一件。偽示四件。悖逆之詞。令人髮指。復於議撫後。拆去大角沙角橫檔等礮臺。甌石移往香港。起造馬頭房屋。儼然視為故物。又廣東巡撫臣怡良來咨。內粘單亦有四月初九日。有夷人十一名。漢奸數十名。至香



港傳喚鄉耆鋪戶稱係喚國知縣姓堅來查未知將軍參  
贊曾否入奏又五月初六日接准廣東督臣祁璜四月二  
十四日來函搶去省廠未竣工師船五隻如此情形斷非  
效命歸誠之象奕山隆咨已於四月十五日後移駐離省  
六十里之小金山楊芳尚在城內齊慎亦已入城納賄之  
後無復亡羊補牢之計若謂賊已飽索而去必不再來苟  
安於目前又思彌縫於異日計亦左矣臣伏念上年八月  
該逆赴天津投遞呈詞不過藉緩定海之師耳琦善宴其  
頭目二十餘人嬉笑怒罵隱忍受辱天津道陸建瀛請盡  
數拘留令其繳還定海琦善以為書生之見冬間裕謙於

前署兩江總督任內。懸重賞以購義律。而該逆則在鎮海與伊里布分庭抗禮。非前任衢州守備周光碧聲色俱厲。義律且肩輿而入。今年正月。琦善又與該逆會飲於蓮花城。琦善已視為固然。不敢稍存他意。乃自虎門失守。琦善拏問北上。參贊大臣楊芳適先至粵。相待數日。旋復效尤。臣總以為外示羈縻。內修戰守。而義律偃臥夷館。已將半月。又縱使去。及奕山隆冬馳至。幾於無可措手。查楊芳前在江西。迭次接奉參贊大臣印信。即有以偏僻小港。准逆夷屯積貨物之請。甫經到粵。撫議又起。是楊芳之與琦善。心思智慮。如出一轍。疊經

聖諭訓飭猶復敢萌故智奕古隆文閱歷未深尚可諉為不諳軍務楊芳老於疆場事機坐失咎復奚歸總之廣東以虎門為門戶虎門一失全勢已却琦善弛備撤隊閉門揖盜而礮為守門之具非被攫去即行毀壞楊芳初到並不據實直陳懇乞

聖恩寬以時日鑄礮造船訓兵練勇俟奕古隆文到後謀定而戰一味粗疏至於偵事此時奕古隆文若再扶同粉飾

君門萬里何日稍釋南顧之廬香港為商船內駛必由之路其島曰紅香爐上有營汎居民並非偏僻小港可比既被占據不惟該夷來往自便內外商船亦必盡遭掣截聞早露其

漸矣我

朝統馭中外尺寸之土不可以與人。香港一島亦與定海何異。即使香港計日可復。煙船紛紛四出。等於游魂。此事終無了局。餒虎狼以肉而欲止其搏噬。必不能也。為今之計。亟宜大張捷伐。奕山隆文。疊經逆夷嘗識。已懷輕視之心。楊芳年老耳聾。湖南兵丁首先滋事。不能約束。尤不能當此重任。敢乞

天恩。逾格。此時暫准羈縻。亟撤各處外調之兵。

特簡親信重臣。激勵人心。振作士氣。督造船礮。用本省之民為本省之兵。勿以一時小勝而存矜喜之心。勿以一事偶挫而

懷退縮之志。至於經費浩繁。惟在用之得當。不當省而省。費且滋甚。若以厚卹將士。精修戰具。奇才異能。踴躍圖功。即或例外增加。亦不過數十萬金。不此之圖。而以六百萬之多。拱手奉寇。孰得孰失。較然易明。計自廣東至於

盛京。海口林立。夷船去來無定。撤防無期。與其日日用之。而車薪不熄。何如一日用之。而燎原可滅。孫子兵法有云。用財欲泰。誠不易之言也。且駐紮廈門。督造船礮。而泉州。及漳州。興化。各澳洋面。報夷船遊奕停泊者。或三四隻。或八九隻。即廣東議撫之後。亦無虛日。痛心切齒。何能一日姑容。但船礮未備。輕於舉動。必礙全局。一俟船礮備齊。其各

處停泊之船即當奮力攻擊不敢畏難苟安自取咎處  
顏伯燾又奏臣正在封摺間又據探報廣東四月十五日  
一摺已奉

俞允初八日勝仗並邀

恩旨等因臣接閱之下不勝駭愕查四月初八日廣東業經傾財  
罷戰安得復有勝仗即初一之仗亦僅小勝旋即潰散是  
所奏直以痛勦乞撫欺蒙

天聽大膽昧良不料如此之甚且實無任憂憤並據探報逆夷現  
在復萌禍端猖狂尤甚膽敢由香港潛開大路一通香山  
一通惠州揆此情形是該逆據有六百萬圓之銀肆行無

忌其為詭詐萬端已可概見督撫兩臣現已剴切獎諭各鄉已團練者慎終如始未團練者速行團練既以自衛又可報

國省城當可無虞等情臣既有所見理合附片密陳

諭軍機大臣等朕聞廣東辦理夷務四月初一日官兵攻擊夷船初二日該夷駕火輪船一隻駛至省西泥城一路開礮兵勇望風而逃被燒船隻六十餘號初三四五等日逆夷駕船十餘隻開礮攻打上岸防兵四散遁起被燒民房甚多占去四方礮臺經廣州府知府余保純向逆夷面議息兵初十日有鄉勇數萬人圍困義律等夷眾功在須臾因余保純得義律私書出城彈

歷鄉人始漸解去逆夷將大角沙角橫檔等礮臺既石移往香港起造馬頭房屋又於香港潛開大路一通香山一通惠州各等情如果屬實是該處情形所聞與所奏迥異梁章鉅前駐紮廣西梧州府城與廣東毗連且正值軍務喫緊之時文報相通務將所聞實在情形詳晰具奏朕於他處亦有飭諭密查該撫不准稍有含混自取咎戾也

顏伯燾又奏再浙江定海縣善後事宜業經

欽差大臣裕謙辦理妥協浙江撫臣劉韻珂接手辦理防堵亦頗

嚴密廣東事關重大

特簡自必有人儻一時之人



簡用裕謙似可當廣東之任惟其氣太銳敢乞

皇上密敕暫示羈縻事備而後動庶幾萬全無患四品卿銜臣林則徐前在廣東辦理海口事宜以粵民誓詞檢之知其能得人心亦有威望其王庭蘭信函所稱民怨之者自指販煙莠民而言如以之為裕謙之副當能得力浙江海口或即以撫臣劉韻珂長駐鎮海會同浙江提督臣余步雲辦理似亦不致掣肘福建海口最多廈門尤為緊要臣即一手經理浙江係臣所轄仍當刻刻留心不敢視同膜外廣東事關一律尤須不分吟嘆期無貽誤廣東督臣祁項已經手夷務怡良更始終其事雖非所能專主將來接手辦

理能否不致迴護伏候

聖裁

硃批覽

丙申睿親王仁壽等奏道光二十一年四月二十七日奉  
旨伊里布現已到京著派睿親王莊親王惠親王定郡王大學士  
軍機大臣六部尚書會同刑部傳訊家人張禧著交刑部歸案  
審訊欽此並據浙江巡撫將鎮海營外委陳志剛解京歸案質  
訊六月初九日奉

旨伊里布著交原審之王大臣會同刑部定擬罪名具奏欽此臣  
等遵即會同傳到伊里布逐加詰訊伊里布伏地並頭惶

恐夫措據稱伊里布上年奉

派查辦浙江夷務於到浙後探路購線招勇聚糧擬等勁兵多集  
方敢進剿嗣伊里布欲催令該夷赴粵聽候查辦藉犒賞  
為名令人前往曉諭並可藉探虛實酌遣家人張禧暫戴  
六品頂戴同外委陳志剛過海賞給牛羊各物該夷亦回  
送洋呢等件伊里布恐直示拒絕致啓夷人疑畏轉誤赴  
粵行期即權宜收受奏奉

諭旨嚴飭發還伊里布遵即將餽送各物令陳志剛送往該夷未  
曾接受本年二月間該夷欲繳還定海復遣張禧陳志剛  
押帶夷男夷女各一名前往諭令交城後即將夷人全仲

其前送禮物一併帶給發還該夷收明開船赴粵惟伊里布未能遵

旨迅速進剿克復殲除種種辦理不善實屬無能有負委任懇求

天恩從重治罪等語研訊張禧陳志剛等俱供曾奉差遣同往夷船屬實並無別情遵即擬結此案伊里布以

欽差大臣辦理浙江夷務不能迅速克復定海屢奉

諭旨即行進剿乃一味遷延觀望畏葸不前實屬庸懦無能辜恩溺職相應請

旨將前任兩江總督伊里布即行革職發往軍臺效力贖罪張禧

及外委陳志剛前往夷船訊係聽從伊里布差遣應免置  
議陳志剛飭令回營張禧即予省釋

諭內閣前因伊里布於浙江軍務辦理不善降旨交王大臣定擬  
罪名茲據仁壽等會議具奏此案伊里布以欽差大臣辦理浙  
江夷務不能迅速攻復定海屢奉諭旨即行進剿一味遷延觀  
望實屬庸懦無能前任兩江總督伊里布著即革職發往軍臺  
效力贖罪以示懲儆餘依議

丁酉

諭內閣山東濰縣知縣招子庸著解任交托渾布派妥員迅速押  
解來京聽候質訊

兩廣總督祁項廣東巡撫怡良奏竊臣等於道光二十一年五月初九日承准軍機大臣字寄四月二十四日奉

上諭有人奏本年二月內廣東夾匪滋事該處鎮遠礮臺有九千斤大礮炸裂傷斃守兵五百餘名其餘兵丁一聞而散至今未聞奏辦等語著祁項怡良查明據實具奏又現據琦善供稱在夷船與義律講話時有直隸隨帶武弁廣東巡捕及親隨兵丁多人在旁聽聞等語琦善在蓮花岡等處屢次與義律講話是否有員弁多人在旁抑或有時屏去從人私相談論或止鮑鵬白含章等與聞其廣東巡捕等員概不知悉並著該督等就近查訊隨往員弁詳悉覆奏毋許徇隱至香港地方經琦善擅許

逆夷在彼貿易究竟給與全島抑止給與一隅現在該逆是否  
退出或仍然占據亦著祁項等查明據實具奏再前據御史高  
人鑑奏鮑鵬前在廣東緣事經地方官查拏竄逸等語鮑鵬即  
鮑聰原犯何事該地方官因何查拏有無案據著一併查明具奏  
並將案據解交刑部以憑查辦欽此臣等當即欽遵會同嚴密  
逐一確切查訊所有奉

旨飭查鎮遠礮臺九千斤大礮炸裂傷斃守兵五百餘名至今未  
聞奏辦一節臣等遵即將防守鎮遠礮臺之將弁等傳到訊  
問據供本年二月間與暎夷打仗鎮遠礮臺並無炸裂礮  
位惟聞威遠礮臺有礮位炸裂打傷兵丁之事隨飛飭原

防威遠礮臺之守備盧大鏡帶同各礮兵星速來崙巨等親行訊問據供該臺當時實曾炸礮二位一係一六位一係十八位俱重八千斤並非九千斤因夷船開礮攻擊弁兵接連開礮回攻礮身燒熱以致炸裂有隨委鍾朝寄吳紹鏞二名又礮兵陳榮材蘇勝寄許著張勝寄四名均被飛鐵打傷並未斃命亦無五百餘名之多另有兵丁向大高等八名係被夷礮打傷身死又弁兵二十六名被夷礮打傷未死並非被炸礮所炸至防臺各兵係因夷礮圍擊礮臺破損不能抵禦並非因礮炸走散等語復向各礮兵余鴻等及當時協防之兵丁黃慶保等究問所供無異檢



查檔冊威遠礮臺共安大礮四十位自九百斤至八千斤不等並無九千斤礮位當時原防及添防弁兵計共三百二十七員名另有壯勇九十一名亦不敷五百名之數是盧大鈺等所供前情尚無捏飾至各礮臺失陷弁兵受傷陣亡之實在名數前經奕山等欽奉

諭旨移咨一併確查先已飭司委員馳赴各營確切查覆嗣據陸續冊報緣各營內尚有不知存亡下落兵丁未能造齊詳送現復屢次札催容俟一律查明仍由奕山等會同臣等即行另案具奏又奉

旨飭查前署督臣琦善屢次與義律講話是否果有員弁多人在

旁抑或有时屏去從人。私相談語一節。查此案先經英山等欽奉

諭旨。會同臣祁項查訊。臣等即飭據署廣州府知府余保純等稟覆。并據武巡捕高殿甲等遞具親供。均稱琦善兩次接見義律。如何商議事件。伊等或先已回船。或並未隨往。或在船頭站立。惟有鮑鵬一人在艙傳話。所談何事。伊等均未聽聞。等語。當經會同據實恭摺覆奏。並聲明鮑鵬業已解京。其隨侍琦善之家丁胡姓趙姓謝姓亦已隨琦善赴京。無從質訊。等因在案。茲復奉

諭旨查訊。臣等以既據琦善供有廣東巡捕及兵丁多人在旁聽

聞恐前次各稟倘尚有未確必須覆加研訊以昭核實復  
傳到署廣州府知府余保純及武巡捕高殿甲等隔別面  
向訊問據余保純稟稱前任總督琦善正月初三日庚子年在蓮  
花城會晤義律一次接談移時伊與洋商通事人等先已  
各回己船概未聽隔後於十九日又在蛇頭灣接晤義律  
一次伊並未隨往無從得悉又據高殿甲等稟稱伊等先  
後隨同琦善往蓮花城蛇頭灣兩次接見義律當議事時  
均經琦善諭令站立船頭是以未及聽隔彼時即白舍章亦  
不在船內並據舍稱當日實止鮑鵬一人在船傳話餘人  
概不與隔如當日實在船內站立亦有所聞也斷不敢捏詞

推諉各等語。臣等因署廣州協副將趙承德及番禺縣知縣張熙宇當時亦隨同前往復傳趙承德張熙宇訊問據各自具親供亦與余保純所供相符。臣等察其情詞似亦均無諉飾。又奉

旨飭查前署督臣琦善擅許暎夷香港究竟給與全島抑止給予一隅。現在該夷是否退出抑仍然占據一節。查毗連香港之裙帶路地方自上年冬間被暎夷占據後在該處砌築馬頭起造房屋基址業經奕山等會同臣祁項將一切情形兩次具奏。茲奉

諭旨飭查。臣等謹查香港全島東西綿亘起伏共一百四十餘里

統名香港就中分析則香港地方在島之西南由香港而西而北而稍東為裙帶路再東為紅香爐由香港而東為赤柱地名雖分其實諸峯均相鈎連香港全島北通海面往西約三十里為尖沙嘴往東約五十里為九龍山均屬新安縣地界現據署大鵬協副將賴恩爵稟稱該夷前求香港與之寄居意不重在香港而重在裙帶路與紅香爐名則借求香港實則欲占全島所開之路係由裙帶路開起察其情形似欲開至香港復由香港開至赤柱又署新安縣知縣彭邦晦稟稱該夷船陸續駛赴裙帶路拋泅聲稱係奉前任總督琦善允准給與居住至尖沙嘴與裙帶

路相對為夾船聚泊之所十九年間曾經前任總督林則徐奏請設立兩臺一在尖沙嘴臺名懲腐一在尖沙嘴附近之官涌臺名臨衝派撥兵礮以資控制嗣因琦善以該二臺海外孤懸不足禦侮而新安地方緊要飭令將兵礮撤回縣城防守旋被倭夷潛據現將臨衝臺內兵房拆卸臺基轟裂其懲腐礮臺仍復占據各等語又據署水師提臣何岳鍾署大鵬協副將賴恩爵節次咨稟倭夷先後在裙帶路赤柱各處張貼偽示並有偽知縣名目其偽示以緝盜禁賭為名陽為約束陰示招徠無非欲內地商民前往該處與之貿易而內地安分商民均以其非我族類不

願與之來往。惟恐不畏法之漢奸間與勾通。希圖獲利。現已札飭嚴密查拏。其餘情形。經臣等密加查訪。均與稟報相符。至前署督臣琦善是否給與全島。抑止給與一隅。並無明文。惟檢查案卷內有副將賴恩爵稟報一件。內稱。喚夷遣夷目呈送書帖。並稱香港等處。已蒙

欽差大臣准伊等駐紮。請將各汛弁兵撤回等語。又查琦善任內所出示文有該夷既准貿易。復求寄居。既准寄居。復求全島之語。臣等愚昧之見。竊意琦善原只許以一隅。俾得寄居。而夷情無厭。遂藉此要求全島。似係實在情形。再查喚夷自退至香港後。瘟疫大作。夷人因受傷及染病身死者

極多現在患病仍復不少且正經商人均不肯出洋與之貿易有謂此地水土惡劣夷人斷不能久居者然該夷現仍稟請即在香港澳內地商民貿易經日等公同商酌未經允准飭令署廣州府知府余保純向該夷曉諭該夷亦不敢再行陳諱惟夷情詭詐多端行蹤叵測臣等現又風聞該夷有欲仍赴浙江一帶之說據署大鵬協副將賴恩爵稟報亦風聞此語雖皆得自傳聞尚無確據必須預為之防禦經一面飛咨福建浙江江蘇山東直隸

盛京山海關各督撫將軍都統轉飭沿海各地方文武嚴為防範一面將本省各海口隨時嚴密經理以固疆圉又奉



旨飭查鮑鵬即鮑聰原犯何事因何查拏有無案據一節臣等遵  
查案卷鮑亞聰與鮑人琮係十九年五月間經前

欽差大臣林則徐因訪聞該犯等販賣煙土札飭查拏原札內開  
該犯等係在十三行夷館管賬及充當買辦等語時該犯  
鮑阿聰在逃未獲拏獲鮑人琮訊係鮑亞聰族叔據鮑人  
琮供稱伊兄鮑人琮曾充夷人賴地等買辦十八年六月  
內因鮑人琮患病回家鮑亞聰受雇代辦至七月間鮑亞  
聰又因母病回家伊又代為辦理鮑亞聰又曾充過花旗  
夷人喇噶買辦並未與夷人管帳鮑亞聰逃往何處伊不  
能知等語檢查臣等兩衙門案卷均屬相符又查現解赴

京之鮑鵬前督臣琦善任內曾有諭令雇覓鄉勇文稿一  
件稱係職員究係何年月日報揭所捐何職亦無案卷可  
稽查鵬與聰字音相近或因犯案被拏潛匿本名改捐職  
員希圖效用抑或先以鮑鵬之名報捐職員另以鮑亞聰  
名字充當夷人買辦均未可知自應向該犯鮑鵬究訛至  
鮑人琮先於詢明杖責後逃籍保來現在飭提覆訛尚未  
提到容俟提到訊明是否與原供情節相符有無續犯不  
法別案另行分別咨部祁墳怡良又奏臣祁墳前奉

諭旨督同江西藩司趙炳言廣東藩司梁寶常辦理粵省糧案當  
經先後奏明請

旨在江西南安府設立糧臺飭令藩司趙炳言駐紮料理並於廣東韶州府設立一臺責成南韶道督同韶州府就近照辦另於三水英德二縣及南雄州各設小局委員分駐以便隨時護解餉銀其佛山一處先經臣怡良奏請設局飭令藩司梁寶甯由省城往來料理且等駐省設立總局督辦在案刻下夷船退出軍務漸定查江西藩司本任事務殷繁藩司趙炳言似可即令回省照常辦事原設糧臺事務應請就近交與前經江西撫臣錢寶琛奏明會同辦理之贛南道趙仁基代為經理其廣東省分設三水英德小局二處亦應裁撤以節糜費至韶州府為適中之地南雄州

係入境首站官兵凱撤留防尚有應辦之事佛山又屬粵省重鎮現籌辦善後事宜擬仍在該處添鑄銅鐵各礮此三處未便遽撤容臣等再為斟酌分別辦理

祁墳怡良又奏查香港地方喫夷因前署督臣琦善曾有准給寄居之說遂藉此陰圖盤踞現雖知

天朝一民尺土不能以與外夷而妄念早萌垂涎未已臣等知識愚昧竊以為籌辦機宜應由近以及遠自內以達外香港海外孤懸離新安縣城約一百六十餘里距省城約四百四十餘里勢難急與之爭現在夷船業已退出虎門近省一帶河道必須設法堵塞各處礮臺並須修復其被燒

之民房夷館及遷徙之商民焚燒之貨物宜分別撫卹水陸弁兵宜以時加訓練一俟河道可守礮臺修竣士氣既銳民心既堅先立於不敗之地以俟其可乘之際再與議及香港服則柔之否則威之庶可得乎至新安一帶距香港較近漢奸尤多漢奸以外夷為護符外夷以漢奸為牙爪若不及早查拏竊慮滋蔓難圖而操之過蹙又恐逼出外洋無從弋獲適以堅其從逆之心俱宜隨時設法殲厥渠魁散其餘黨一面查緝仍即一面招徠並責成該地方文武及公正紳耆嚴行稽查約束勸諭務使曉然于順逆向背之所在復慄然於禍福利害之攸分斯內地之奸民

漸少而外夷之黨羽可翦矣

硃批所見甚是。總在辦理何如耳。另有旨。

諭內閣。前據御史陳岱霖奏廣東夷匪滋事。鎮遠礮臺九千斤大礮炸裂。傷斃守兵五百餘名。餘兵走散等語。當有旨諭令祁項等查奏。茲據查明。本年二月。鎮遠礮臺並無礮位炸裂。惟威遠礮臺。因與夷匪接仗。連次轟擊。曾炸裂八千斤大礮二位。並非九千斤。炸傷記委鍾朝安等二名。礮兵陳榮升等四名。並未斃命。亦無五百餘名之多。防營各兵。亦非因礮炸走散。且查當時原防及添防弁兵。計共三百二十七員名。另有壯勇九十一名。亦不敷五百名之數。該御史所奏。應毋庸議。

又

諭祁項等奏請將辦理糧臺之藩司飭令回省並將各局的量分別撤留等語粵省夷船現已退出虎門軍務漸定江西藩司本任事務殷繁趙炳言著即飭令回省辦事餘著照所議辦理

諭軍機大臣等據祁項等奏籌辦機宜等語現在夷船退出虎門近省河運自應設法整理各處做臺必應趕緊修葺并撫卹難民招徠遷徙立於不敗之地以俟其可乘之隙所見甚是其香港地方係屬中國土地斷不准因琦善有准給寄居之說任其陰圖盤踞至漢奸通夷助逆最為可恨惟操之過嚴轉恐逼令出洋所奏亦非無見前已有旨令奕山齊慎祁項怡良會商妥

籌祁墳怡良係該省督撫尤屬責無旁貸其應如何收復香港如何解散漢奸務須和衷商榷斟酌萬全以副委任

戊戌

諭內閣琦善著交原審之王大臣會同刑部定擬罪名具奏

己亥參贊大臣楊芳奏竊於兩耳重聽病後氣血兩虧左膝舊傷時發去歲十一月卒因未痊

天顏瞬屆一十三載自揣精力日疲年已七十一歲孺衷依戀寤寐涕零原擬恭詣

闕廷面請

聖安俯聆



訓示本年正月十七日舟次安徽省城奉

旨來粵先奕山等四十三日趕到廣東省城布置防守情形疊經奏蒙  
聖鑒當奕山等未到之前李魁傷先已舉發於三月二十二日奏

明在案嗣後仍復振作精神勉強支持未敢形諸詞色四  
月十八日奕山等往防金山後路李協同祁墳留守省城  
至五月初旬先因乘騎出城勘閱各處營壘礮臺失馬閃  
挫舊傷更劇兼因鬱憤愒慮交攻致成怔忡萬不得已咨  
報奕山令齊慎來省接守業經據情代奏半月以來腿傷  
益痛怔忡益劇兩耳益沈值此籌備善後喫緊之際福薄  
災生志堅神助素願莫伸焦懷益熾惟有滙情奏懇

鴻慈賞准解任就粵調養一俟大局奠安全師凱撤誠能傷病稍愈即恭詣

闕廷求

賞差使

楊芳又奏再奉鼓勵兵勇陸續取用賞需銀二萬四千兩俯懇

恩施准於孝侯俸內分年扣歸公款

諭內閣楊芳奏請解任就粵調理一摺前因楊芳病體未愈當有旨諭令回湖南提督之任加意攝養著楊芳仍遵前旨即回本任安心調理俟調理痊愈即行奏聞以慰廑念又另片奏鼓勵

兵勇陸續取用賞需銀二萬四千兩請將候俸扣抵等語著加恩棠入廣東軍需款內覈銷毋庸扣俸歸款該部知道

直隸總督訥爾經額奏竊臣承准軍機大臣字寄道光二十一年六月十一日奉

上諭現在廣東夷船經奕山等疊次焚擊業已退出虎門粵省所調各路官兵現已陸續撤回歸伍所有各省調防官兵著該將軍督撫等體察情形如可酌量裁撤迅速奏聞請旨等因欽此臣查奕奕在沿海滋擾業近年餘現經粵省疊次焚擊該夷已受懲創退出虎門不敢抗拒實足以快人心當即轉行天津鎮道等熟籌妥議稟辦去後茲據核明原調兵數

分別酌留酌撤會稟請奏前來。臣覆加酌核並通計全省沿海情形如天津大沽海口並北塘海口共計新舊大礮臺七座。中礮臺七座。小礮臺十三座。駐兵三千五百名。現擬於大沽海口酌留熟習槍礮兵丁一千名。北塘海口酌留五百名。並同新募之兵五百名。分撥大小各礮臺派員管帶駐守巡防其餘兵丁二千名。即行裁撤。又豐潤縣所屬澗河黑沿子二處海口駐兵四百名。該縣桂超萬已團練鄉勇二百餘名。可以協防。現擬每處酌留兵丁一百名。專管礮臺其餘二百名。即行裁撤。又永平府屬臨榆縣之秦王島石河口二處現駐兵一千一百九十名。該處為山

海關要隘應請酌留兵丁八百名其餘三百九十名即行裁撤又灤州之劉家河現駐兵三百名樂亭縣之清河口吳水溝撫甯縣之洋河口現各駐兵二百名各該處海口淺隘駛船維艱但應防其登岸前已挖坑設伏現擬每處備留兵一百名計共留兵四百名專管礮臺其餘五百名即行裁撤又昌黎縣之浪窩口駐兵三百名蒲河口駐兵二百名現據該縣曾世儀已團練鄉勇八百餘名足可分防應請每處留兵五十名專管礮臺其餘四百名即行裁撤此外天津大沽海口迤南之狼坨子徐家溝趙家溝祁口四處海口分駐兵三百名該處與山東接壤應請照數

留防以期消息相通聲勢聯絡以上大沽北塘及永平所屬等處各海口前共調兵六千七百九十名現擬留兵三千三百名撤兵三千四百九十名以後仍隨時體察情形再行奏明量為減撤所留兵丁其大沽北塘兩處照舊令天津鎮陳金綬宣化鎮石生玉督飭管帶開州協副將向榮亦仍駐山海關協同防守其澗河等處海口視留兵之多寡酌留將備帶領至湖北提臣劉允孝係

簡派來津應否仍駐大沽督同防範抑應即回本任之處候旨遵行

訥爾經額又奏臣竊思倭夷滋擾沿海各省調兵設防該

夷自不敢輕為嘗試。惟夷情叵測。此時雖就羈縻。而將來藉端反側。仍難保其必無。若來去無常。乘間肆擾。動需

國用。不可不籌。及經久備防之計。查喫夷所恃。惟礮與船。非兵力所能攻堵。雖有勁旅。亦只可為陸路防勦。審量情形。欲使其船不足恃。而礮不及施。計惟在我之礮多。亦惟在我之礮大。以礮擊船。不煩兵力。則防兵雖減。而倉猝有警。足可以守。現在海口礮位大者六七千斤。該夷之火輪船。暨杉板船。足可轟擊。惟其能載大礮之兵船。木料堅實。厚及尺餘。或謂外面皆用銅葉包裹。以故敢於衝突。查大沽海口有攔江沙之險。大號夷船本不能進。然潮汐盛旺之

時糊江沙上水高可及二丈該夷詭詐多端上年到此處  
處量水早經測知水勢若將大船畧為改製收小即可乘  
潮開入必須礮力威猛方能摧破其船臣等慮至再特鑄  
萬斤銅礮四尊八千斤銅礮四尊專為轟擊大船之具現  
在鑄就三尊體質渾厚器勢雄偉其餘亦即陸續告成該  
夷礮即極大想載入船中亦不能大至萬斤縱使駛進海  
河彼礮未能及岸我礮先及彼船庶幾有恃無恐不致動  
輒遠調官兵多糜糧餉似海口經久備防之計當不過此  
諭內閣訥爾經額奏酌量撤兵歸伍一摺前因粵省夷船業已退  
出虎門飭令該督將調防官兵酌量裁撤茲據奏稱直隸天津



大沽海口等處前共調兵六千七百餘名現將各口情形詳加體察擬留兵三千三百名防守外其餘三千四百餘名請即裁撤歸伍等語著照所議辦理所留兵丁其大沽北塘兩處仍著陳金線石生孚督飭管帶向營亦仍駐山海關協同防守餘著酌留將備帶領該督仍隨時體察情形如可陸續裁撤再行奏明量為撤減湖北提督劉允孝前經簡派在津督同防範現在各兵業已量加裁減自可毋庸久駐著來京陛見再回本任諭軍機大臣等訥爾經額奏撤兵歸任一摺已明降諭旨令該督酌量裁撤矣其另片奏請鑄大礮經久備防等語礮位重至八千斤如果火藥力足施放有準儘可推堅致遠若重至萬斤轉

恐體質笨滯。運用不靈。該督請鑄萬斤銅礮四尊。八千斤銅礮四尊。現在萬斤銅礮如已鑄成。即著擇要安設。如尚未鑄就。即著改鑄八千斤礮。較為便捷。再上年冬間京師運往礮位三十餘尊。現在天津添鑄礮位。足資防守。著訥爾經額即將前次運往之礮。於今冬分起陸續運還京師歸局存貯。

辛丑

欽差大臣兩江總督裕謙奏。竊於六月初二日。在鎮海軍營拜摺後。即於是日起程。先至乍浦察看形勢。該處西山甯礮臺。突出海外。與海甯州之廟山寨。自北至西。遙相對峙。中間隔洋面。約計百數十里。沿岸或塘或山。綿延起伏。形如新

凡舊有港口可通舟楫。元末因禦倭填塞。明初築乍浦城於西山嘴之西北。控據海岸。翼蔽金山。與江蘇省相為唇齒。登高南望。甯波紹興諸山。隱隱在目。實為西浙之咽喉。東吳之門戶。乍浦城外。即係海塘。塘外有沙灘。二三四五里不等。灘外又有淺水數里。凡有重大貨船。皆泊於淺水之外。用小船乘潮剝載登岸。夷船自南駛來。雖不能近岸。而用礮轟擊。可以及城。南門外之天后宮。汎適當其衝。西山背原有礮臺一座。實為扼險要隘。現於該處又添建礮臺一座。並將天后宮汎一帶海塘加寬。塘上堆砌土墩。形如櫛比。中安礮位。後蒞兵勇。派委湖州協副將陳述祖會。

同署嘉興協副將李漸磐乍浦營參將鄭宗凱太湖營遊擊洪應遠統領防兵八百六十餘名鄉勇三百十餘名銅鐵大礮三十位又乍浦旗營值卡官兵一百七十二員名董事韓印海鄧岳祥陳佩連等捐資僱募巡船十二隻水勇一百二十名義勇二百四十名沿海巡探乍浦副都統長喜杭嘉湖道宋國經親督操防聲勢極為聯絡牙查閱該兵勇等器械鋒利技藝精熟洵稱有備無患長喜又挑選八旗備戰官兵八百名董事韓印海等又將乍浦馬頭挑夫一千二百名預為雇定無事則任其力作有警即作為鄉勇齊心殺賊由該董事等捐給口食此舉非特可以攘

外更足安內尤為要著。就乍浦之情形而論防勦似已均有可恃。詢之長喜宋國經亦稱確有把握。又海甯州之尖山地亦稱險要。惟查該處與廟山寨相連。海外急溜且有活沙。消長不定。可謂天險。先經宋國經稟商撫且劉韻珂自海甯州城起。越海鹽縣而至乍浦。節節安兵設礮。實力巡防。可保無虞。惟乍浦鄉勇所習皆係長矛。僅能刺。不能擊。遠。現已飭調撞礮二十桿。鳥槍五十桿。派撥善於施放之徐州鎮標官兵前往教練。作為前敵。又乍浦防兵內有本營兵丁。因未離營。照例不支口糧。該兵等枕戈露處。已逾一年。其本身應得名糧。僅敷糊口。不能兼顧。

其家實屬向隅。且該處上年逆夷曾經侵犯。係備戰之兵。與他處僅止防堵者不同。應查照鎮海本營防兵章程。每名日給口糧制錢五十文。以示體恤。又乍浦董事韓印海。鄧岳祥。陳佩連等。自上年六月起。至十月。共自捐及勸捐銀二萬二千餘兩。為募鄉勇。雇巡船。修城垣之用。現仍義切同讐。歷久不懈。急公可嘉。應俟事竣。核實請獎。至江浙兩省洋面。現在安靜。惟甯波縣之大佛頭等處。外洋仍有夷船二三隻。倏隱倏見。奈惟有會同江浙兩省撫臣程喬。參劉韻珂。提臣陳化成。余步雲。督率鎮將。嚴以防之。靜以待之。儻敢闖入內洋。即當痛加勦洗。以伸

天討而副

委任

殊批覽奏俱悉

乙巳睿親王仁壽等奏道光二十一年四月十三日奉

上諭英隆奏押解琦善將次到京著解交刑部派睿親王莊親王  
惠親王定郡王大學士軍機大臣六部尚書會同刑部審訊欽  
此旋據廣州副都統英隆將琦善解送刑部臣等會同監  
提琦善逐層訊問緣琦善於上年奉

派前往廣東查辦夷務因無人通曉夷語路過山東時言致巡撫  
托渾布索要濰縣知縣招子庸廣東同鄉能通夷語之鮑

鴨帶往粵省。琦善抵粵後，先行以理曉諭，未請調兵。嗣該夷求討貿易，馬頭商議未定，即攻擊大角沙角礮臺，並將橫掃礮臺圍困。琦善因救急無策，佯允代奏，給與香港地方一所寄居。該夷意圖挾制，即在彼假出偽示，支搭帳房。十二月內，該夷欲交定海。遣在粵夷船前往知會琦善，函致伊里布囑其帶兵前往收復。該夷給與留浙頭目信函，亦附入封內，由驛遞往。本年正月初五日，琦善赴虎門查勘舟次，獅子洋面夷目義律求見，以定海繳還，欲求通商。呈出所議章程數條，多係貿易瑣務。琦善以其多有窒礙，當加指駁。其時首府及將弁並洋商等俱在該處伺候。惟



鮑鵬通曉夷語是以令其傳話十九日琦善復往虎門查看礮位至蛇頭灣地方義律又來求見懇給與香港全島並另擬寄居貿易各條款求為蓋用關防琦善未經允許二十八日該夷聞大兵將到勢必攻勦時思蠢動琦善慮虎門危急差鮑鵬給與文書一件內稱如欲香港全島囑其安靜等候俟奏明後方可定議並面諭鮑鵬如夷情不順即將文書帶回鮑鵬見其情形兇惡未曾付給二月初六日該夷攻陷鎮遠等礮臺琦善救援莫及經臣等會訊供悉前情再三究詰琦善惟有戰慄恐懼自認罪無可逭至與該夷目議話不過暫示羈縻未敢詭秘亦未敢收受

饒送惟種種辦理不善祇求代為轉奏仰懇

天恩從重治罪等供嗣於六月十六日奉

旨琦善著交原審之王大臣會同刑部定擬罪名具奏欽此遵即  
擬結查律載守備不設失陷城寨者斬監候等語此案琦  
善以

欽差大臣查辦廣東夷務宜如何慎重周詳計出萬全該夷既不  
遵照曉諭辦理已形猖獗即當奏請調兵迅速剿除乃妄  
冀羈縻暫以香港地方許給俾得有所藉口於一切防守  
事宜並不預為設備以致該夷壘將礮臺攻陷要隘失守  
實屬有誤機宜自應按律問擬琦善合依守備不設失陷

城寨者新監候律擬斬監候秋後處決鮑鵬一犯前在夷館私充買辦另有不法別案應俟審明另結

諭內閣已革大學士琦善著照王大臣等所議斬監候秋後處決  
山東巡撫托渾布奏竊臣承准軍機大臣字寄奉

上諭現在廣東夷船經奕山等疊次焚擊業已退出虎門粵省所調各路官兵現已陸續撤回歸伍所有各省調防官兵著該將軍督撫等體察情形如可酌量裁撤迅速奏聞請旨等因欽此  
伏查東省登州等處海口前因粵省勦辦逆夷恐被窺擾經臣奏調省西各營官兵分布要隘以備協勦今在粵夷船業經大兵擊退揆核情形該逆夷經此懲創自不敢再

行北來各處海口就本汛弁兵足資分防所有調防各兵自應即行裁撤以節糜費臣現擬按各營道路遠近間日分飭起程歸伍仍咨登州鎮臣王明督飭本轄弁兵隨時巡防以昭慎重

諭內閣據托渾布奏稱山東省登州等處海口現在體察情形各就本汛弁兵足資防守所有前調各兵請即行裁撤等語著照所議即分飭起程歸伍所有登州等處海口著責成王明督飭本轄弁兵嚴加巡察毋任稍形懈弛以肅營伍而重海防

辛亥靖逆將軍奕山參贊大臣齊慎兩廣總督祁項廣東巡撫怡良奏喫夷自

恩准通商之後。因大兵未退。心懷疑懼。又官紳各處填塞河道。勒修礮臺。喚夷貨船。時或駛至黃埔。旋回泊裙帶。謠言欲在彼處交易。不願來省。當派委廣州府知府余保純。遴選明白通事。前往開導。曉以中華誠信待人。斷不加害。上達大皇帝。曲賜矜全之。

恩飭令傳諭去後。尚未稟復。茲據水師提督吳建勳。大鵬協副將賴恩爵。新安縣知縣彭邦晦。前後稟稱。六月初四日寅刻。海面颶風陡發。踰辰愈加猛烈。海濤山如大雨傾盆。日夜不息。各處差探夷情。兵丁民情。回稱查得是日。尖沙背所泊大小夷兵船。被風打壞三隻。貨船三隻。漂泊石塘背。攔

壞沈失洋銀三十餘萬。又漂出大洋漢奸大小划艇四十餘隻。不知去向。並擊碎夷匪二桅。大三板十餘隻。其未被漂失者。尚存大小四十餘隻。而桅舵槓櫓均已損壞。內有八隻。全行砍去桅木。其接濟裙帶路等處匪徒各艇。沈溺殆盡。淹斃漢奸夷匪。不能數計。凡先後續到之夷兵船。於本月初三日。在尖沙背之德膺礮臺前。開架帳房二十五頂。登岸居住。所有帳房。並裙帶路大小寮蓬。悉被吹捲無存。僅餘裝貯棉花檀香者五間。未經全壞。所築馬頭二條。坍為平地。所鋤之路。所造之屋。亦并拆毀掃蕩一空。浮屍滿海。隨波上下。夷目僅義律一名。逃至澳門。餘者尚未有。

下落等語。等聞報之下。人人稱快。此皆表

皇上至誠感神。海靈助順。鯨吞鼉擲。翦此凶曆。該夷雖幸延殘息  
定皆震懾。

天威心寒膽裂。等同在省城。是日風雨猛烈。內河浪高丈餘。僉  
云近年未有之事。近城船隻亦多損壞。人口間有淹斃。外  
海師船撞碎二隻。淹斃把總沈家珍。外委吳殿崇。二員兵  
丁七名。已經該副將賴恩爵打撈收斂。照例撫卹辦理。又  
據稟初八初九兩日。颶風又作。較前更大。省河潮浪翻騰。  
亦與所稟相符。餘賊夷船想更無所逃避。等見擬分詣

各

神祠壇虔誠叩謝。一面差弁出海偵探。俟得確情。再行具奏。硃批覽。此未見未聞之。

天貺朕寅感愧悚之餘。欣幸何似。

諭內閣。奕山等奏海洋陡發颶風。擊碎喫夷房寮馬頭。并漂沒船隻一摺。據稱六月初四日寅刻。海面颶風陡發。海濤山立。大雨傾盆。尖沙背所泊大小夷船。漂泊擊碎。漢奸大小划艇。漂出大洋。所存大小四十餘船。桅舵俱壞。淹斃夷匪漢奸。不計其數。帳房寮篷。吹捲無存。所築馬頭。坍為平地。埽蕩一空。浮屍滿海等語。朕披覽之餘。感選

天貺既深。欣幸更益。悚惶該夷惡貫滿盈。肆其荼毒。多行不義。竟



伏其辜。此皆冥漠之中。

神明默佑。餘氣埽蕩。綏靖海疆。允宜虔潔。辨香。以伸誠敬。著發去大藏香二十炷。交奕山等分詣各廟宇。敬謹報謝。并派惠親王綿愉恭詣。

皇穹宇。睿親王仁壽恭詣。

皇祇室。瑞郡王奕誌恭詣。

宣仁廟。

凝和廟。成郡王載銳恭詣。

昭顯廟。

時應宮。均於二十九日城內齊宿。三十日分詣行禮。并著太

常寺敬謹預備

諭軍機大臣等。本日據奕山等奏。海洋陡發颶風。將夷船吹擊漂沒。并將察房馬頭毀壞。一摺。覽奏之餘。莫名欣慰。此皆仰蒙

昊蒼垂佑。朕心竇深寅感。已明降諭旨。發去大藏香二十炷。著奕山等分詣各廟宇虔誠行禮矣。據奏夷船漂泊無存。所留船隻。又皆桅柁俱折。該夷等惡貫滿盈。竟遭

天譴。從此夷膽震懾。不敢再有覬覦。惟所稱義律逃往澳門。著即探明在何處藏匿。其所駕船隻。盡已摧壞。各夷又復淹斃。安能隻身回國。如竟逃出大洋。自不值窮追遠跡。若查明果在澳門。何難設法生擒。儻罪人斯得。即著迅速奏明請旨。香港一帶該

夫無可棲身者即趕緊收復暫時派兵看守該處濱海一切消息易於探訪初八九日颶風所損夷船共有若干隻著飭令文武員弁查明稟報據實具奏所有淹斃把總沈家珍外委吳殿鼎及兵丁七名著照例議卹

奕山齊慎祁垣怡良又奏粵省次第凱撤官兵前經

奏明在案茲查湖南官兵業已行出粵境四川官兵陸續分起行走船隻足數駕用無虞擁滯現在軍務將次完竣侍衛珠勒亨等無可差委之處自應飭令先行回京當差所有前任參贊大臣隆文關防一顆又經撫臣怡良咨送前來收貯已革總督琦善所領

欽差大臣關防一顆封固妥協均交珠勒亨等一併恭繳等業  
已知照沿途按站照例給與船隻夫馬定於十五日起行  
二等侍衛已揚阿暫留管帶後起健銳火器各營官弁另  
行起程

諭內閣奕山等奏凱撤官兵陸續分起行走先令侍衛珠勒亨等  
回京當差侍衛已揚阿管帶後起健銳火器各營官弁另行起  
程等語著直隸山東江蘇安徽江西各督撫分飭沿途川轉按  
站照例給付船隻夫馬毋許遲誤并著該督撫等於凱撤官兵入  
境時傳旨令帶兵之員約束弁兵毋許沿途滋擾備弁兵有需  
索騷擾等弊管帶官不能約束即著沿途督撫據實奏劾此旨

即給與珠勒亨等閱看。

壬子

盛京將軍耆英奏本年六月十五日承准軍機大臣字寄道光二十一年六月十一日奉

上諭現在廣東夷船經奕山等疊次焚擊業已退出虎門粵

調各路官兵現已陸續撤回歸伍所有各省調防官兵著

軍督撫等體察情形如可酌量裁撤迅速奏聞請旨欽此

奉天南臨海濱綿亘千餘里雖水勢有深淺之不同距洋有遠近之各殊大船固不能盡抵口岸而杉板小船則均能到在在皆關緊要當夷匪猖獗之時不能不嚴設兵衛

多方防堵。今該夷自大受懲創以後，既知斂戢，退出虎門，勢不敢遠來北洋。李與在事各員悉心體察，所屬各海口南路之金州、復州、最關緊要，所派官兵鄉勇臺馬未敢遽議裁撤。似應仍行嚴密防守。其熊岳、蓋州、岫巖、鳳凰、莊、錦州、小凌河、甯遠、中前中後各海口均非金州

比。所有派往各委員官兵鄉勇應請概行撤回。旗民地方官照舊認真操防，實力稽查，勿任稍有疏懈。前經奏明添雇蘇拉阿巴一項，原因其施放鳥槍有準，調赴各海口，隨同協防。嗣因官兵鄉勇練習鳥槍皆有準頭，不在蘇拉阿巴之次，已將蘇拉阿巴與所雇水勇巡船陸

續裁撤其旅順口水師營出派遠探官兵應即札調回營以節糜費再熊岳副都統祥厚久駐海口今各處防兵業經酌量裁撤該副都統祥厚可否即令回任之處敬候

諭旨進行

諭內閣者英春酌量裁撤兵勇一摺奉天省所屬各海口

軍體察情形分別將調集防堵兵勇酌量裁撤所有南

州復州等處著該將軍酌留兵丁數人俾資瞭望偵探所

兵鄉勇著即裁撤至熊岳等處海口所派委員官兵鄉勇俱著即行撤回仍嚴飭旗民地方官等認真操防實力稽察毋稍疏懈熊岳副都統祥厚著即回任餘均照所議辦理該部知道